

<County: Westmorland>

<Code: L1235>

<MS reference: Sizergh Castle, Kendal: Album no 31 of Henry VI>

<Text: Use>

This indentur~ made at Amotebrig in the Counte of Cumberland xiiij . day of Maye the yher~ of the  
 reigne of kyng henr~ sexte xxij<sup>ti</sup> by-twene  
 syr henr~ Threlkeld knyght Apon the tone *parti* And syr Thomas Stirkeland knyght Apon the tother~  
*parti* berys wittnes At qwar~ the saide  
 syr henr~ hase *graunte* to launcelotte his son and to Elene his wyfe landes and tenementes with the  
 apurtenaunce in yanewith Amotebrig and  
 Crosby to the valewe of xx . marke yher~ oute our~ all charge . saide syr Thomas wille and *graunte*  
 at the saide syr henr~ sall haue the lattyng  
 to ferme of the saide landes and tenementes *guernaunce* and *inauredeyne* of the tenandes of the  
 same landes yherely vn-to the  
 tyme that yhe saide launcelotte be at ful age of xxj yher~ if the saide launcelotte likett efter the ende  
 of thre yher~ next commyng  
 efter the makeyng of this indentur~ And the saide syr Thomas for to haue the rentes and the *profettes*  
 of the saide landes to the  
 vs and *profett* of the forsaide launcelotte and Elene his wyfe durand the tyme Aboune-saide And to  
 rayse thayme by distris if  
 nede be . At qwilke tyme the saide syr Thomas wille and *grauntes* that he sall counseill with-outen  
 fraude the saide launcelote  
 for to be at the rewle of the forsaide syr henr~ his Fader as most syttyng es in the lawliest maner~  
 that he can devyse  
 Jn wytnes thar~-of the saide *parties* to the *parties* of this indentur~ enterchangeabilly has sett to  
 thayre Seyles place day and yher~ beforesaide